

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADSKO VIJEĆE  
Statutarna komisija

Broj:

Bihać, 12.10.2017.godine

Gradsko vijeće Bihać

**PREDMET:** Prijedlog Odluke o objavljivanju javnog oglasa za imenovanje članova Gradske izborne komisije Bihać

Na osnovu člana 64. stav (2) alineja c) i člana 140. alineja c) Poslovnika Gradskog vijeća Bihać („Službeni glasnik Grada Bihaća“, broj 3/16), Statutarna komisija, Gradskom vijeću dostavlja prijedlog Odluke o objavljivanju javnog oglasa za imenovanje članova Gradske izborne komisije.

### O b r a z l o ž e n j e

Pravni osnov

Pravni osnov za donošenje predložene Odluke o objavljivanju javnog oglasa za imenovanje članova Gradske izborne komisije sadržan je u članu 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), kojim je propisano da članove općinske / gradske izborne komisije imenuje općinsko / gradsko vijeće, uz saglasnost Centralne izborne komisije BiH, na osnovu javnog oglasa po proceduri koju utvrđuje Centralna izborna komisija BiH.

Pravni osnov za donošenje Odluke o objavljivanju javnog oglasa za imenovanje članova Gradske izborne komisije sadržan je u članu 141. stav (2) Statuta Grada Bihaća („Službeni glasnik Grada Bihaća“, broj 13/15) kojim je utvrđeno da Vijeće, između ostalog, donosi i odluke.

#### Razlozi donošenja

Rješenjem Gradskog vijeća Bihać broj GV-05-5165 od 20.07.2017.godine razriješeni su dužnosti predsjednik i članovi u Gradskoj izbornoj komisiji Bihać prije isteka mandata.

Centralna izborna komisija je Rješenjem broj 06-1-07-1-255/17 od 28.09.2017.godine dala saglasnost na Rješenje Gradskog vijeća Bihać kojim su razriješeni dužnosti u članstvu Gradske izborne komisije Bihać, predsjednik i članovi Komisije.

Kako je Centralna izborna komisija Bosne i Hercegovine donijela Uputstvo o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj 15/17 i 60/17), u kojem je propisana procedura za imenovanje članova izbornih komisija, kao i radnje koje se moraju poduzeti u cilju dobijanja saglasnosti na odluku o imenovanju članova izborne komisije od strane Centralne izborne komisije BiH, te uzimajući u obzir činjenicu da je Gradska izborna komisija Bihać razriješena Rješenjem Gradskog vijeća prije isteka mandata, stekli su se zakonom propisani uvjeti za donošenje predložene Odluke.

Sastavni dio predložene Odluke je javni oglas za imenovanje članova Gradske izborne komisije.

Predloženi tekst javnog oglasa je usklađen sa odredbama Izbornog zakona Bosne i Hercegovine, kao i odredbama naprijed citiranog Uputstva kada su u pitanju: mandat na koji se imenuju članovi komisije, opći i posebni uvjeti koje kandidati za člana izborne komisije moraju ispunjavati, razlozi radi kojih se lice ne može kandidirati, dokumentacija koja se prilaže uz prijavu na javni oglas, nadležni organ za provođenje postupka i predlaganje rang liste sa redoslijedom kandidata prema uspjehu postignutom na intervju, nadležni organ za donošenje konačne odluke o imenovanju članova izborne komisije i nadležni organ za davanje saglasnosti na odluku o imenovanju, obaveza objavljivanja javnog oglasa, rok za podnošenje prijave i adresa organa kojem se prijave podnose.

Komisija za izbor i imenovanje će po objavljenom javnom oglasu provesti postupak u skladu sa odredbama Izbornog zakona BiH i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Nakon provedenog postupka, Komisija za izbor i imenovanje je obavezna da prilikom sačinjavanja rang liste uspješnih kandidata, osigura dosljednu primjenu člana 2.14 stava(1) Izbornog zakona BiH, koji propisuje da je sastav izborne komisije multietičan, te da će, u pravilu, odražavati ravnopravnu zastupljenost spolova.

Slijedom naprijed iznijetog, predmetna Odluka dostavlja se Gradskom vijeću na razmatranje sa prijedlogom da se usvoji u predloženom tekstu, kako bi se stekli uvjeti za raspisivanje javnog oglasa i provođenje procedure imenovanja članova Gradske izborne komisije Bihać.

Finansijska sredstva

Za provođenje ove Odluke potrebna su finansijska sredstva i ista su obezbijedena u Budžetu Grada za 2017.godinu.

Predsjednik Statutarne komisije  
Davor Župa

Prilog: Prijedlog Odluke i tekst javnog oglasa

Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 15/17 i 60/17), Gradsko vijeće Bihać, na 14. sjednici, održanoj dana \_\_\_\_\_2017.godine, donosi

## ODLUKU

o objavljivanju javnog oglasa za imenovanje članova  
Gradske izborne komisije Bihać

### Član 1.

(1) Donosi se Odluka o objavljivanju javnog oglasa za imenovanje 7 (sedam) članova Gradske izborne komisije Bihać.

(2) Sastavni dio ove Odluke je tekst javnog oglasa za imenovanje članova Gradske izborne komisije Bihać.

### Član 2.

Postupak po objavljenom Javnom oglasu provodit će konkursna Komisija koju imenuje Gradsko vijeće u skladu sa odredbama Izbornog zakona Bosne i Hercegovine i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

### Član 3.

Konkursna Komisija u svom radu dužna je pridržavati se odredaba Izbornog zakona Bosne i Hercegovine uz dosljednu primjenu odredaba člana 2.14 stav (1) koje se odnose na multietični sastav Gradske izborne komisije odnosno ravnopravnu zastupljenost spolova.

### Član 4.

Kandidati za člana Gradske izborne komisije Bihać pored općih uvjeta iz člana 2.2 stav (1) i (2) Izbornog zakona Bosne i Hercegovine moraju ispunjavati i posebne uvjete propisane članom 2. i 3. Uputstva iz člana 2. ove Odluke.

#### Član 5.

Zadužuje se konkursna Komisija da, prije zaključivanja javnog oglasa, utvrdi kriterije i pravila za ocjenjivanje kandidata koji će pristupiti intervjuu.

#### Član 6.

Javni oglas iz člana 1. ove Odluke objavit će se najmanje u jednom od dnevnih listova koji izlaze na području Bosne i Hercegovine i na web stranici Grada Bihaća.

#### Član 7.

Ova Odluka stupa na snagu sljedećeg dana od dana objavljivanja u Službenom glasniku Grada Bihaća.

Gradsko vijeće

Broj:

Bihać, 2017.godine

Predsjedavajući Gradskog vijeća

Davor Župa

Na osnovu člana 2.12. stav (5) Izbornog zakona Bosne i Hercegovine (Službeni glasnik Bosne i Hercegovine“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7.a) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 15/17 i 60/17) i Odluke o objavljivanju javnog oglasa za imenovanje članova Gradske izborne komisije Bihać („Službeni glasnik Grada Bihaća“, broj \_\_), Gradsko vijeće Bihać, raspisuje

## JAVNI OGLAS

za imenovanje sedam članova Gradske izborne komisije Bihać

### I

- (1) Gradsko vijeće Bihać raspisuje javni oglas za imenovanje sedam članova Gradske izborne komisije Bihać (u daljem tekstu Gradska izborna komisija).
- (2) Članove Gradske izborne komisije imenuje Gradsko vijeće Bihać uz saglasnost Centralne izborne komisije Bosne i Hercegovine, na period od 7 godina.

### II

Kandidat za člana Gradske izborne komisije mora ispunjavati slijedeće opće uvjete:

- a) da je lice sa pravom glasa;
- b) da je lice sa odgovarajućom stručnošću i iskustvom u provedbi izbora.

### III

(1) Pored općih uvjeta iz tačke II, lice koje je kandidat za člana Gradske izborne komisije mora ispunjavati i slijedeće posebne uslove:

- a) da ima prebivalište na području grada za koji se imenuje izborna komisija;
  - b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS;
  - c) da posjeduje iskustvo u provođenju izbora.
- (2) Pod iskustvom u provođenju izbora podrazumijeva se:
- a) članstvo u izbornoj komisiji i
  - b) članstvo u biračkom odboru na izborima obuhvaćenim Izbornim zakonom BiH.

(3) Izuzetno od odredbe iz tačke III stav (1) alineja a) ovog Javnog oglasa, član izborne komisije može biti lice sa prebivalištem iz druge općine, ukoliko nema kandidata, sa prebivalištem u općini za koju se imenuje izborna komisija, koji ispunjavaju uvjete tražene javnim oglasom;

(4) Izuzetno od odredbe iz tačke III stav (1) tačka c) Javnog oglasa, član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS;

(5) Izuzetno od odredbe iz tačke III stav (1) tačka b) Javnog oglasa, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 1.000 birača upisanih u Centralni birački spisak ili ako je potrebno ispoštovati odredbe člana 2.14 stav (1) Izbornog zakona BiH.

#### IV

(1) Sastav Gradske izborne komisije je multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

(2) Sastav Gradske izborne komisije osigurat će ravnopravnu zastupljenost spolova u skladu sa zakonom.

#### V

U skladu sa članom 2.3 Izbornog zakona Bosne i Hercegovine, za člana Gradske izborne komisije ne može biti imenovano lice:

a) koje se ne može kandidirati u smislu člana 1.6, 1.7 i 1.7a Poglavlje I Izbornog zakona Bosne i Hercegovine;

b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);

c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Poglavlje II Izbornog zakona Bosne i Hercegovine;

d) koje je kandidat za izbore za bilo koji nivo vlasti;

e) kojem je izrečena kazna za radnju koja predstavlja težu povredu izbornog zakona ili propisa, za koju je lično odgovoran, u posljednje četiri godine, računajući od dana pravosnažnosti odluke;

f) koje je zastupnik ili punomoćnik političkog subjekta koji učestvuje na izborima;

g) koje je pravosnažnom sudskom presudom osuđeno na kaznu zatvora u trajanju od 6 mjeseci ili duže.

#### VI

(1) Kandidati su dužni po ovom javnom oglasu priložiti slijedeću dokumentaciju:

- a) prijava na javni oglas za imenovanje članova Gradske izborne komisije Bihać sa kraćom biografijom i ličnim podacima kandidata (ime, prezime, jedinstveni matični broj, adresa, broj telefona za kontakt);
- b) fotokopija lične karte;
- c) dokaz o stručnoj spremi. Ukoliko je diploma stečena nakon 6.aprila 1992.godine, u inostranstvu, dostavlja se i dokaz o izvršenoj nostrifikaciji diplome, osim u slučaju kada postoje potpisani sporazumi između Bosne i Hercegovine i drugih zemalja o uzajamnom priznanju diploma;
- d) dokaz o izbornom iskustvu imenovanog člana izborne komisije u smislu tačke III stav (2) alineja a) i b) Javnog oglasa, osim u slučaju koji je utvrđen tačkom III stav (4) ovog Oglasa. Dokaz o izbornom iskustvu u smislu tačke III. stav (2) alineja a) i b) Javnog oglasa, mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
- e) obrazac PBA-3 o prebivalištu kandidata (ne starije od tri mjeseca, od dana izdavanja od strane nadležnog organa);
- f) uvjerenje Agencije za statistiku Bosne i Hercegovine o izjašnjenju o nacionalnoj pripadnosti, imenovanog člana izborne komisije, sa posljednjeg popisa stanovništva provedenog na državnom nivou;
- g) izjavu imenovanog člana izborne komisije da nije obuhvaćen odredbama člana 2.3 Izbornog zakona BiH ovjerenu od strane nadležnog organa.

(2) Dokumenti koji se dostavljaju kao dokaz o ispunjavanju uslova iz ovog javnog oglasa mogu biti originali ili ovjerene fotokopije.

## VII

(1) Konkursna komisija će provesti postupak propisan članom 7.c) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj 15/17 i 60/17), sačiniti rang list sa redoslijedom kandidata prema uspjehu postignutom na intervjuu i istu dostaviti Gradskom vijeću Bihać, uz dosljednu primjenu odredaba člana 2.14 stav (1) Izbornog zakona Bosne i Hercegovine, a koja se odnosi na multietičnost i ravopravnu zastupljenost spolova.

(2) Predmet intervjuu će biti poznavanje Izbornog zakona Bosne i Hercegovine.

(3) Gradsko vijeće Bihać će, cijeneći položaj kandidata na rang listi, donijeti rješenje o imenovanju članova Gradske izborne komisije i isto dostaviti na saglasnost Centralnoj izbornoj komisiji Bosne i Hercegovine.



(4) Gradsko vijeće će imenovati predsjednika iz reda članova Gradske izborne komisije, uz saglasnost Centralne izborne komisije.

(5) Mandat članova Gradske izborne komisije teče od dana davanja saglasnosti Centralne izborne komisije Bosne i Hercegovine na rješenje o imenovanju članova izborne komisije.

## VIII

Ovaj javni oglas objavit će se u jednom dnevnom listu „Oslobođenje“, web stranici Grada i „Službenom glasniku Grada Bihaća“.

## IX

Rok za podnošenje prijave je 8 dana od dana objavljivanja javnog oglasa u dnevnom listu iz tačke VIII ovog oglasa.

## X

(1) Prijave na javni oglas sa propisanom dokumentacijom dostavljaju se u zatvorenoj koverti sa naznakom „Javni oglas za imenovanje članova Gradske izborne komisije Bihać – NE OTVARAJ“, i to neposredno putem Centra za pružanje usluga građanima ili poštom na adresu:

Grad Bihać – Gradsko vijeće – Konkursna komisija

Ulica Bosanska broj 4,77000 Bihać

(2) Nepotpune i neblagovremene prijave neće se uzeti u razmatranje.

Predsjedavajući Gradskog vijeća  
Davor Župa